

ist ein heilig land. Vnd sprach weiter / Ich bin der Gott deines Vaters / der Gott Abraham / der Gott Isaac / vnd der Gott Jacob. Vnd Mose verhüllet sein an-

Mat. 22.
Mar. 12.
Luc. 20
Ebre. 11.

gesicht / Denn er fürchte sich Gott an zu schawen.
Vnd der HERR sprach / Ich hab gesehen das Elend meins Volcks in Egypten / vnd habe jr geschrey gehört vber die / so sie treiben / Ich hab jr Leid erkand / vnd bin erndere gefahren / das ich sie errette von der Egyp- ter hand / vnd sie ausfüre aus diesem Lande / in ein gut vnd weit Land / In ein land / darinnen milch vnd honig fleusst / nemlich / an den ort der Cananiter / Hethiter / Amoriter / Pheresiter / Heuiter / vnd Jebusiter. Weil denn nu das geschrey der Kinder Israel fur mich komen ist / vnd hab auch dazu gesehen jr angst / wie sie die Egyp- ter engsten / So gehe nu hin / Ich wil dich zu Pharao senden / das du mein Volck / die Kinder Israel aus Egypten furest.

Act. 7.

Mose sprach zu Gott / Wer bin ich / das ich zu Pharao gehe / vnd füre die Kinder Israel aus Egypten? Er sprach / Ich wil mit dir sein. Vnd das sol dir das Zeichen sein / das ich dich gesand habe / Wenn du mein Volck aus Egypten gefüret hast / werdet jr Gott opffern auff diesem Berge. Mose sprach zu Gott / Sihe / wenn ich zu den Kindern Israel kome / vnd spreche zu jnen / Der Gott ewer Väter hat mich zu euch gesand / Vnd sie mir sagen werden / wie heisst sein Name? Was sol ich jnen sagen? Gott sprach zu Mose / Ich werde sein der ich sein werde. Vnd sprach / Also soltu zu den Kindern Israel sagen / Ich werds sein / der hat mich zu euch gesand.

(Ich werds sein)
Wenn jr dahin kompt / so wil ich bey euch sein / vnd mich so erzeigen / Das jr erkennen solt / das ichs sey.

Vnd Gott sprach weiter zu Mose / Also soltu zu den Kindern Israel sagen / Der HERR ewr veter Gott / der Gott Abraham / der Gott Isaac / der Gott Jacob / hat mich zu euch gesand / Das ist mein Name ewiglich / da bey man mich nennen sol fur vnd fur. Darumb so gehe hin / vnd versamble die Eltesten in Israel / vnd sprich zu jnen / Der HERR ewr veter Gott ist mir erschienen / der Gott Abraham / der Gott Isaac / der Gott Jacob / vnd hat gesagt / Ich hab euch heimgesucht / vnd gesehen was euch in Egypten widerfahren ist / vnd hab gesagt / Ich wil euch aus dem elende Egypti füren / in das land der Cananiter / Hethiter / Amoriter / Pheresiter / Heuiter / vnd Jebusiter / In das Land darinne milch vnd honig fleusst.

Vnd wenn sie deine stimme hören / so solt du / vnd die Eltesten in Israel hin ein gehen / zum Könige in Egypten / vnd zu jm sagen / Der HERR der Ebreer Gott / hat vns geruffen / So las vns nu gehen drey Tagerese in die wüsten das wir opffern dem HERRN / vnserm Gott. Aber ich weis / Das euch der König in Egypten nicht wird ziehen lassen / On durch eine starcke Hand. Denn ich werde meine Hand ausstrecken / vnd Egypten schlagen mit allerley Wunder / die ich drinnen thun werde / Darnach wird er euch ziehen lassen.

Vnd ich wil diesem Volck gnade geben fur den Egyp- tern / das / wenn jr ausziehet / nicht leer ausziehet / Sondern ein iglich Weib / sol von jrer Nachbarin vnd Hausgenossen fordern / silbern vnd gülden Gefess / vnd kleider / die solt jr auff ewr Söne vnd Töchter legen / vnd den Egyp- tern entwenden.

Exo. 11. 12.

III.



Mose antwortet / vnd sprach / Sihe / Sie werden mir nicht glauben / noch meine stimme hören / sondern werden sagen / Der HERR ist dir nicht erschienen. Der HERR sprach zu jm / Was ist / das du in deiner Hand hast? Er sprach / Ein Stab. Er sprach / wirff jn von dir auff die erden / Vnd er warff jn von sich / Da ward er zur Saniangen / vnd Mose floh fur jr. Aber der HERR sprach zu jm / Strecke deine hand aus / vnd erhassche sie bey dem schwanz / Da strecket er aus / vnd hielt sie / vnd sie ward zum Stab in seiner hand. Darumb werden sie glauben

Moyse Stab wurde zu Saniangen 20. 9.
Saniangen / Mose 7. 17.

Mose
Sprache
mit dem
HERRN

11. 7.